

續山東考古錄卷之二

滄州葉圭綬子佩甫述

濟南府中

淄川縣

周齊昌國邑

史記樂毅封昌國君按卽漢縣

漢青州濟南郡般陽縣齊郡昌國縣

般陽縣卽今縣治 寰宇記淄州在漢爲濟南郡之般陽縣

屬濟南樂安二國

前漢千乘非國濟南非國終爲國後漢濟南非國

尋又置臨菑國於

此迄今一名臨淄城一名齊城校勘云般陽前漢屬濟南郡

續山東考古錄

卷之二

淄川縣

一 蝸角尖廬

後漢屬齊國今但以般陽一縣言之則當云漢爲濟南郡之般陽後漢屬齊國其曰屬樂安濟南二國者誤也若槩州境而言兼有漢濟南之般陽太山之萊蕪之地今之高苑兼有漢千乘郡樂安國之地又不當云屬樂安濟南二國也又云置臨淄國於此當云置齊國於此余按州郡沿革有槩全境言者有指治所言者在漢爲般陽指治所也唐宋淄州本兼有前漢濟南千乘太山三郡地樂氏據所得多者言故第二云濟南樂安然此實本於通典通典云淄川漢屬濟南樂安二國之地又屬淄川國按唐淄州無漢淄川國地杜氏因縣名而混入之樂氏似知其誤而改作臨淄愈繆至校勘亦不知

臨淄不在此且誤以千乘樂安爲兩地

昌國縣故城在東北四十里又稱昌城

後漢青州齊國般陽縣昌國縣魏景初三年置新沓縣晉因之

寰宇記淄川縣故反蹤城齊記云齊景公失馬尋蹤遂失於

此故有反蹤城又輿地記云魏明帝景初三年以遼東新沓

縣當作沓氏縣三國志作東沓亦誤

吏民渡海來去還

有脫

於此置新沓縣

以居之屬齊郡也按此城無方向里數縣志疑即東北二十

里羅家莊西南之故城備考

據三國志立此縣於齊郡故縱城水經注延鄉俗曰從城或在

彼也

晉志齊國無般陽縣劉宋志魏志般陽下並云晉太康地志

續山東考古錄

卷之二

淄川縣

二

蝸角尖廬

屬齊則晉志亦脫載耳寰宇記以爲晉省似未核

晉書山濤傳魏咸熙初封新沓子晉泰始初進新沓伯薨賜

新沓伯蜜印子該嗣爵是西晉終有此縣矣

劉宋青州濟南郡土鼓縣僑冀州清河郡治貝邱縣移般陽於

今臨朐境又武城縣繹幕縣郟縣移昌國於臨朐城後魏清河

郡加東字屬青州

劉宋土鼓縣故城在西南四十里今鼓城村據魏志漢土鼓

城析入博平此城西去漢治不遠爲宋移治無疑

舊說宋魏貝邱即漢般陽城據隋志淄川下舊曰貝邱置東

清河郡之文也但宋魏此郡皆首清河晉清河郡治清河僑

縣似當仿其制魏志此貝邱有萊蕪城是僑置於萊蕪地如治般陽而兼有萊蕪城不惟僑縣無如許大且其東則郟縣其西則土鼓繹幕其北則武城不知清河僑置何地余疑宋魏清河僑縣仍倚郡郭高齊省併諸僑縣始移貝邱入今治耳姑從舊說俟再考

魏志武城有昌國城縣治當在東北

又繹幕有隴水縣治當在西

或曰在今博山詳博山

又郟縣有淳于髡墓今在益都西境縣東南

里有城子

莊疑郟縣治備考

齊乘般陽路元魏高齊為東清河郡按置郡者宋漏書於前

續山東考古錄

卷之二

淄川縣

三 蝸角尖廬

廢郡者齊誤出於後通志云後魏置東清河郡按劉宋置後魏有實土故此加東以為別非魏置

高齊齊州東平原郡貝邱縣天保七年併郡入東平原郡省土鼓入衛國周因之

隋志後齊廢東清河郡

齊書崔劭傳南平原貝邱人即東

平原郡

隋齊

州郡

淄川縣開皇十六年於貝邱置淄州十八年改縣為今

名大業二年州廢來屬又亭山縣地

隋志亭山有儒山今在鼓城村南五里亭山即衛國

改未詳何時析入縣境

唐河南道淄

川州郡

治淄川縣武德元年復置淄州又置長白縣

六年省入淄川天寶元年改淄州爲淄川郡乾元元年復稱淄州五代因之

長白縣故城未詳所在

宋京東東路淄川郡軍事治淄川縣

金山東東路淄州治淄川縣

元都省山東般陽路治淄川縣淄州初屬濟南路中統五年升淄州路至元二年改淄萊路二十四年又改

齊乘般陽路禹貢青州之域萊夷作牧之地按路統登萊

二州登萊與路治中隔益都路不接壤故于氏云然本路所屬淄川新城長

山蒲臺四縣不得以萊夷槩之也

續山東考古錄 卷之二 淄川縣 四 蝸角尖廬

明山東布政司濟南府淄川縣初改般陽路爲府升淄川縣爲淄川州又改淄州般陽府尋廢州降爲淄川縣來屬

明志太祖吳元年改般陽路爲淄川州二年七月州廢來屬

紀要改州在洪武九年廢州在十二年未知孰是按明州皆屬府州廢而縣始屬濟

南府未廢州之前州何屬耶縣志洪武九年改爲般陽府淄

川州又改淄州是明初州屬般陽府也又云十二年改淄州

爲淄川縣是升縣爲州無倚郭縣明初諸州皆如此

國朝因之

縣志 乾隆四十一年修 沿革劉宋仍爲般陽縣其古蹟志

不知劉宋般陽昌國皆徙臨朐反斥隋唐正史之誤 狼

山一名邱山高齊以貝邱名縣蓋取諸此繆極

新城縣

周齊渠邱邑

近志以縣為齊桓公繫馬臺未知所本

春秋昭公十一年楚申無字曰齊渠邱實殺無知杜注渠邱

今西安縣也齊大夫雍廩邑

在莊九年

後漢志西安有蘧邱里

漢青州齊郡西安縣千乘郡平安縣延鄉縣又高宛縣地

東城在境

西安縣故城在東四十里今索鎮

亦在臨淄西三十里近志係彼據元志係此

平安縣故城在東北四十里今會城水經注濟水東北適為

淵渚謂之平州濕沃側有平安縣故城俗謂之會城非也應

劭曰博昌縣西南三十里有安平亭故縣也

此平安字倒耳若淄水所逕之

續山東考古錄

卷之二

新城縣

五 蝸角尖廬

東安平城在臨淄東禹貢錐指以此城當之繆甚

世尚存平州之名矣按邑人王象

功春遊記以此為春秋之平州非是

詳萊蕪

水上可居謂之州

俗名會城因平州字而附會者鄆氏非之最當

水經注蓋野溝水導源延鄉城東平地出泉西北逕延鄉城

北世人謂故城為從城西北流逕高苑縣北

逕其北境非逕城北注時

水王象功曰牟莊東北有古城拍浮水面漢封李璋之延鄉

城也姑從備考

齊乘稱延鄉城在樂安西北謂之會城顯

與鄆注不合又云博昌古城西對古城即延鄉城考證云前

言在樂安西北則處博昌之東矣此又云云皆臆度也按于

氏誤以會城為延鄉城故又云然

高宛東城在東十二里今格孫城又名箕遊城水經注時水

於西安縣西分爲二水枝津西流會德會水今德會水又西

逕東高宛城中而西注俗人過令側城南注又屈逕其城南

又北注故瀆又西蓋野溝水注之又西逕西高宛縣故城南

漢高帝六年封丙倩爲侯國據此東城在西安城西高苑城

之間時水支津之北也此城介索鎮苑城店之間時支雖枯

縣南烏河猶有故渠自西安分支而西此城乃所必逕卽高

苑東城無疑特格孫箕遊之名所未詳耳或曰劉宋僑高縣

音訛孫似縣形訛或本置於東高苑城也備考鄆氏沿徐

廣之誤以此城爲高密國都辨詳高密又西城曰縣此城不

日縣故漢高苑縣係長山而此加地字但高苑究治何城古

無明文元和志高苑縣隋取東南高苑故城爲名正指此城

續山東考古錄

卷之二

新城縣

六 蝸角尖廬

未敢謂縣治必在西城也故此城不入雜考

後漢青州齊國西安縣樂安國高苑縣地博昌縣地據應劭語平安省入

魏晉因之

劉宋僑冀州廣川郡索盧縣移西安於今臨朐境又樂陵郡潔

沃縣當有鬲縣地或平原縣地長樂縣地或曰鬲縣治在境詳前

後魏齊州東清河郡索盧縣青州樂陵郡潔沃縣

僑索盧縣卽漢西安城故今有索鎮之名

僑潔沃縣治在東北魏志滄州樂陵郡潔沃下有延鄉城按

劉宋於干乘故地僑置樂陵郡則後魏青州樂陵之潔沃有

延鄉城其宜也若滄州潔沃在今高苑北干乘故城西北五

十里大河之北安能越渤海樂陵諸僑郡及黃河漯濟而有  
延鄉城耶况宋魏以河爲界魏未得青州之前宋自有漯沃  
僑縣其不能并爲一地尤明甚水經注亦稱平安城在漯沃  
側其地與滄州漯沃相去頗遠則亦指青州漯沃可知延鄉  
城與平安城卻相近此似青州漯沃下注文并出於滄州漯  
沃下耳今姑妄據瞽論書之仍俟考

高齊周武強縣地長樂縣地隋唐五代宋金長山縣地武強高

苑縣地長樂臨淄縣地索鎮

元都省山東般陽路新城縣至元十九年置

新城縣卽今治元志新城本長山驛臺太宗在潛以人民完

續山東考古錄 卷之二 新城縣 七 蝸角尖廬

聚創置新城曰新城以田索二鎮屬焉 齊乘元丁巳年行

長山縣廢入高苑治所疑在縣境

明山東布政司濟南府新城縣洪武七年省尋復

國朝因之

縣志 康熙二十三年修 沿革漢爲於陵高苑二縣地屬濟

南郡按漢於陵北境不及此不得以後代長山例之也既

知有高苑地不得但云屬濟南郡古蹟有平安延鄉二城

此不當祇稱於陵高苑地 劉宋武強長樂二縣地按劉

宋平原高縣皆在高苑武強境未必及此 脫魏齊

齊河縣

周齊轅邑

當有古祝國地  
齊祝阿邑地

春秋哀公十年晉趙鞅伐齊取犁及轅杜注祝阿縣西有轅城水經注引作西北按卽漢瑗縣

漢青州平原郡瑗縣龍額縣又祝阿縣地高唐縣地後漢魏晉劉宋祝阿縣地高唐縣地

瑗縣故城在西北二十五里今晏城

金齊河有晏城鎮

水經注漯水

逕瑗縣故城西又逕高唐縣故城東又字下無東北字是瑗縣之西卽高唐之東瑗城在高唐東也高唐故城在縣西北六十里晏城在其東寰宇記以爲晏嬰城殊無依據晏卽瑗音轉耳晉人取犁及轅二邑當相鄰接犁邑在今濟陽西南

續山東考古錄

卷之二

齊河縣

八

蝸角尖廬

十里與此城相近且在祝阿西北卽瑗縣故城無疑寰宇記稱在禹城南百里漯不能逕其西且在祝阿故城西南或據漯水逕瑗西在高唐前謂瑗城在高唐故城西南是不明水經注書法且非晉時祝阿地矣

龍額縣故城在

里寰宇記龍額故城在廢禹城東南

二十五里或曰今治卽其故城址考續通典稱高唐故城在廢禹城西四十里是龍額城在高唐故城東南六十許里與

今治至高唐故城方向里數皆合備考

魏崔浩稱弓高有龍額村在今景州東三

十里蓋漢封弓高侯韓隕當孫譏爲龍額侯食邑在彼其地非漢平原郡地龍額縣城不在彼也漢侯邑此類甚多觀漢書表可見詳雜考顏師古曰作額非通鑑辨誤史炤曰鄂格切按班志注云額音洛若從鄂格切則是額字史炤殆不



考字書也按頡音洛  
今漢志無此注文

後魏齊州太原郡祝阿縣魏徙祝阿縣來治齊因之周徙治龍

頡故城尋還後魏故治齊太原郡廢祝阿未詳所屬

後魏祝阿縣故城在西北 里寰宇記引括地志云禹城

在山荏縣北唐初山荏即豐齊縣當云祝阿故城在山荏北括地志成於唐貞觀時不但漢祝阿城不當稱

禹城後魏祝阿城其時猶未改名也此必非括地志原文當是樂氏之誤後魏移於濟北濟水北也又

云廢禹城縣在禹城縣南八十里又云阿陽城在廢禹城西

北五十五里在禹城縣南七里然則廢禹城在今禹城南微

東六十餘里耳合之高唐故城在西四十里之說則後魏祝

阿城當在縣西北二十許里

續山東考古錄

卷之二

齊河縣

九 蝸角尖廬

寰宇記周宣帝時祝阿曾理龍頡故城玩曾字義蓋不久仍

還魏治祝阿後魏徙濟北近志絕無考及者後漢書章懷注祝阿故城在今山荏縣東北是唐初已稱漢治為故

城近志稱唐改漢縣為禹城誤矣

隋齊州祝阿縣唐禹城縣地武德初置源陽縣貞觀元年省入

祝阿天寶元年改祝阿為禹城乾元初徙治遷善村即今禹城唐元和十

年以前縣境當有豐齊縣地五代宋因之

寰宇記源陽縣故城在禹城縣南百里按縣以在源水之陽

得名源即漯水水北為陽漯水在禹城南五六十里今有故

道源陽縣似不能在禹城南百里通志疑縣西北五十里倫

鎮本宋安仁鎮為源陽縣近是備考

金山東東路濟南府齊河縣偽齊劉豫置

齊河縣卽今治水經注玉符水北流注濟卽城東豐齊河入大清河處建

武五年耿弇擊張步從朝陽橋渡兵卽是處也齊乘齊河本

宋之耿濟鎮漢耿弇討張步自朝陽濟河此濟濟非濟河卽此地金

劉豫家於此僭位後置爲縣大定八年始城之山水篇云齊

河縣南門外有梁跨水古朝陽橋遺蹟按耿弇攻張步首攻

祝阿光武所謂攻祝阿而發迹是也後漢書章懷注朝陽橋

在齊州臨濟縣蓋因臨濟乃隋朝陽縣地余謂此朝陽自是

橋名如至章邱之臨濟鎮則已出厯城東矣非是 紀要宋

改耿濟爲齊河未知所據

續山東考古錄

卷之二

齊河縣

十 蝸角尖廬

元直隸都省山東德州齊河縣至元三年屬

明山東布政司濟南府齊河縣

國朝因之

縣志

乾隆二年修知縣上官有儀

東漢名耿濟鎮繆

齊東縣

漢青州濟南郡朝陽縣後漢曰東朝陽魏因之

朝陽縣故城在西南三十里俗曰魏王城寰宇記臨濟縣朝

陽城在縣東北四十里此城西南去臨濟鎮與此合魏王之

名未詳所由

俗傳李密築無據紀要以當聊城之王城謬甚

後漢書濟南王康傳

建武三十年以平原之朝陽益之未詳何時移屬平原 杜

預稱濟南朝陽是晉初猶仍漢舊補三國志魏屬樂安不可從

晉青州樂安國東朝陽縣

劉宋青州濟南郡朝陽縣樂安郡臨濟縣

後魏齊州濟南郡朝陽縣東平原郡臨濟縣齊周末詳

魏志朝陽有朝陽城未詳徙治何所或曰卽縣西延安鎮

劉宋臨濟縣故城在東三十里今劉家鎮魏志臨濟有建新

城鄒平城蓋於臨濟城僑置長樂縣西徙於其西境建新城後漢以

來卽臨濟地詳青城兼有鄒平地也寰宇記臨濟縣此卽今臨濟鎮故樂安城

在縣東八十里漢更干乘郡爲樂安國卽此是也考後漢樂

續山東考古錄

卷之二

齊東縣

十一 蝸角尖廬

安國治臨濟縣在今高苑西北二里西去隋唐臨濟縣百二

十許里與八十里之數迴不相符此樂安城卽劉宋徙建信

鄒平兩城間之臨濟縣誤以爲漢縣遂以爲樂安國耳今劉

家鎮有古城址舊誤爲漢梁鄒城其地在建信西南青城新城鄒

平故城鄒平孫鎮北而西去臨濟鎮正八十里卽宋魏臨濟城矣

元和志臨濟縣開皇六年移朝陽縣理於此是齊周有朝陽

也又云隋改朝陽爲臨濟或齊周已省臨濟或隋初省所未

詳矣闕疑俟考

齊乘高齊省朝陽入章邱考齊高唐尙未改章邱且臆度不足據

隋臨濟縣地開皇六年徙朝陽於今章邱之臨濟鎮十六年朝改

陽爲臨濟別置朝陽縣大業二年省入臨濟唐五代因之宋鄒平縣

地九域志鄒平有趙巖口鎮臨河鎮章邱縣地金因之金志章邱有延

安鎮又鄒平有介東鎮齊乘齊東縣舊趙岩口金

為齊東鎮劉豫置夾河巡檢司介東即齊東之訛

隋復置之朝陽或因漢舊或因魏治或別築城皆未詳

元都省燕南河北道河間路齊東縣戊子年析鄒平章邱置憲

宗三年屬濟南路至元二年屬

齊東縣即今治 紀要城東有齊東舊城在大清河東岸遺

址尚存按在大清河東當在今縣城西縣志不載未詳

明山東布政司濟南府齊東縣

國朝因之

縣志

康熙己丑年修知縣金為霖

志文義多不通考證錯誤何足與辨

續山東考古錄

卷之二 齊東縣

士 蝸角尖廬

濟陽縣

周齊犁邑又名犁邱

春秋哀公十年左傳晉趙鞅伐齊取犁及轅杜注犁一名隰

濟南有隰陰縣又二十五年晉伐齊戰於犁邱杜注隰也水

經注灤水逕灤陰縣故城東故犁邑也按灤本作濕他合反

灤其省文作溼作隰皆形訛

詩俟我于著乎而漢書地理志引之顏師古曰著地名濟南

著縣按當從門屏之間為著之說

漢青州平原郡灤陰縣濟南郡著縣後漢因之魏灤陰未詳所

屬後漢書建武三十年以平原之灤陰益濟南國中元二年

削之肅宗還所削地還屬平原當在永興元年國除後

漯陰縣故城在西南五十里寰宇記稱在臨邑縣西十里

著縣故城在西二十里今郟城水經注漯水自漯又東逕著

城南又甘棗溝自漯又東逕著城北是著城在漯陰東北也

縣西土河即甘棗溝故道郟城在土河南漯陰城東北即著

城矣蓋自韋昭誤著為著魏志齊乘仍沿其誤郟又著之訛

耳寰宇記著城在臨邑東南五十里據今臨邑言如在劉宋

臨邑東南五十里則在大清河南今歷城境矣漯能逕其南

甘棗溝能逕其北耶近志以曲堤鎮或回河鎮當之皆非是

齊乘臨邑縣漢濟南著縣平原漯陰縣地古城謂漯近在

縣西十里按此本寰宇記劉宋至宋初臨邑沿革也元時臨

續山東考古錄

卷之二

濟陽縣

三 蝸角尖廬

邑即今臨邑其西十里安所得漯陰城乎

晉青州濟南郡著縣漯陰縣

晉志濟南無二縣茲據晉書解系傳濟南著人及魏志見歷

並杜預說前見補又寰宇記宋武帝平廣固遂移漯陰於今臨

邑西北五十里曰北漯陰城是東晉末漯陰猶未廢也補三

國志補東晉志皆無漯陰殊為疎漏 紀要稱石趙復置漯

陰劉宋曾僑置青州按石趙復置遍考未得所據宋本有青

州何煩僑置迨沒於魏又何緣僑置於漯陰乎况漯陰本青

州地如曾為州治可云移治不得云僑置也

劉宋青州濟南郡著縣僑冀州魏郡臨邑縣

後魏齊州濟南郡著縣東魏郡臨邑縣

僑臨邑縣故城在西南 十里魏志臨邑有鵲山際陰城元

和志臨邑縣在州北六十里州今濟南府其故城當在縣西

南三四十里 互詳臨邑

高齊齊州濟南郡臨邑縣 是時實土之臨邑省 周因之

隋齊州臨邑縣及臨濟縣地 縣治本臨濟地宋入章邱 又安德州安德縣地

唐河南道 齊州濟南郡 臨邑縣元和十三年置歸化縣太和四年省

入臨邑又臨濟縣地五代因之宋臨邑縣地章邱縣地

歸化縣故城在西北五十里今新市城寰宇記唐元和二年

新唐志在三十年 橫海軍節度使鄭權奏德州安德縣渡黃河南隣

續山東考古錄 卷之二 濟陽縣 古 蝸角尖廬

齊州臨邑縣有灌家口草市 胡三省曰天下兵爭凡民居在城外率居草屋以成市里以其

價廉功省猝遇兵火不 頃者成德軍於市北十里築城名福

城城緣隔黃河與臨邑縣對岸又居安德安平 唐志無此縣詳德州 平

原三縣界疆域濶遠易動難安請於此置縣以歸化為名詔

從之今廢為鎮按元和志黃河在臨邑北七十里當在今府

北百二三十里歸化城在北岸今新市城正其地縣舊志相

傳為故縣治亦其證也 互詳臨邑

宋臨邑縣已徙今治據宋志則建隆三年先徙縣西南之孫

耿鎮備考 互詳臨邑

金山東東路濟南府濟陽縣天會八年 或以為天會三年誤 析臨邑章邱

於標竿鎮置大定六年改名清陽遊金主允濟名旋復故又臨邑縣地

濟陽縣即今治金承安三年縣學碑稱天會八年改置縣其明年劉豫始僭號齊乘以為豫置非也

元都省山東濟南路濟陽縣附至元二年置新市鎮長官司隸

濟南路

齊乘新市鎮城舊屬臨邑至元二年併入濟陽撥戶千二百

四十六置長官司管投下差稅直隸濟南路按既云隸路則

不得云併入濟陽或先自臨邑割隸濟陽又置長官司隸濟

南路歟

明山東布政司濟南府濟陽縣 裁長官司

國朝因之

續山東考古錄

卷之二

濟陽縣

圭 蝸角尖廬

縣志乾隆三十年修沿革春秋甯戚采邑誤 晉荀瑤伐

齊取犁及轅誤趙鞅為荀瑤 漢著縣及陽邱縣地東漢

省陽邱朝陽獠入東朝陽三國魏晉東朝陽地北齊廢朝

陽置高唐縣隋唐五代章邱臨邑地按以上皆因縣治本

宋之章邱地遂將章邱沿革裝入又復錯謬百出東朝陽即朝陽

高唐非廢朝陽置唐以前縣境無章邱地以臨濟未省也縣自劉宋以來即臨邑不始於隋金割章

邱臨邑故著縣置今縣按古縣在縣境者不止著縣且既

云章邱臨邑則著故地已在其內此殊夾雜 古蹟著城

即曲堤鎮臨邑城疑即邾城馬防城即仁風鎮皆沿通志

之誤 新市城南北朝會僑置中山國之新市縣按此想

當然語余謂新市之稱似因對岸草市得名

德州

夏鬲國

春秋哀公元年左傳伍員曰寒浞滅夏后相靡奔有鬲氏杜注今平原鬲縣水經注以為有窮后國似誤

漢青州平原郡鬲縣

西境當有冀州信都國廣川縣地

後漢魏晉因之

鬲縣故城在東南二十五里據水經注大河故瀆逕鬲城西在繹幕縣之後通典安德下鬲縣故城在西北寰宇記引郡國縣道記及齊乘說並同州志云東南二十五里武家莊掘井得城牆一段即古鬲城考其地在老黃河之東繹幕城北

續山東考古錄

卷之二

德州

去

蝸角尖廬

陵縣西北從之近志有稱在德平東十里者又有謂古國漢

縣為兩城者皆繆

後漢志鬲縣次般縣後後人誤以鬲侯國三字作般縣注般城在德平東因致此誤

後魏鬲縣地移縣治臨齊城

詳陵縣

高齊周安德縣地

廣川縣後漢屬清河

晉屬渤海後魏屬長樂齊省入棗強其故城在今直隸冀州棗強縣東十八里齊周縣西境當有棗強地

隋德平原郡

長河縣開皇十六年復置廣川縣於此

去漢城八十里

仁壽

元年改名

關駟曰廣川縣中有長河為流故曰廣川顏師古曰隋仁壽元年初立煬帝為皇太子以避諱故改長河

長河縣故城在州東十里今方山店

隋志安德下開皇十六年置繹幕縣大業初廢入焉州志州

東南四十里篤馬河東岸龍泉寺東有廢城址寺碑云東鑑

魏國城此地舊屬安德即隋繹幕之廢址按漢繹幕城唐宋



屬平原隋縣省入安德州志雖無據亦未敢謂其逕非也故州與恩縣繹幕縣復置皆不書附此備考

唐河南道德州平原郡長河縣五代梁唐因之晉移州來治長河西

城漢因之周省縣入將陵州還治安德

唐長河縣西城在城西衛河西岸元和四年徙十年又移治

小胡城卽今治舊唐志長河縣城爲水所壞移就白橋於永

濟河西岸置縣東去故城十三里十年又置河東小胡城唐初

實建德故將王小胡亡命至貝州作亂此城當其所築近志或作小壺似誤宋志將陵縣本唐

長河西城晉爲德州治周廢爲鎮按唐已移縣治小胡城晉

復移治西城耳 紀要宋廢爲鎮誤

續山東考古錄 卷之二 德州 七 蝸角尖廬

宋河北東路永靜軍將陵縣景祐元年移縣來治長河西城其故

城在安德北五十里今爲直隸河間吳橋縣地

紀要宋移將陵卽今州治通志宋移於小胡城皆與宋志不

合

金河北東路景州將陵縣

元都省燕南河北道河間路陵州憲宗三年升將陵縣爲州來

屬旋屬濟南路至元二年降爲陵縣三年復爲州還屬州志至元二十

三年又徙治西北十許里未知所本

明山東布政司濟南府德州洪武元年降陵州爲縣屬濟寧府

二年屬德州七年廢陵縣其地直隸於州移州來治附洪武初

置德州衛於小胡城三十年州治移入

國朝因之

田雯長河志高真觀前土人掘地得石鐫曰安平縣界按漢安平縣屬涿郡境不及此歷考前史地志此

左近並無安平平原之間則唐時曾於德州置安平縣而史失載耳此立石處當是其縣界石其治所未知何

州志乾隆三十五年修

知州王道亨志多杜撰武斷摘其尤者如左

自古黃河皆逕州境以篤馬河為潔而力駁水經注

以臨齊城為曹魏築且杜撰魏武伐袁氏時一事以實之

訓高津為隔言津自此隔斷訓篤馬河如馬之篤厚

有力訓屯氏河為屯如邇如水不進也漢許商自高

唐以東開新河名為潔殷河決者五皆在州境

續山東考古錄

卷之二

德州

六 蝸角尖廬